


襄汾县新志
太平县志
名刊



第四集



襄汾县志编纂委员会翻印



太平縣志

(光緒版)

一九八六年一月重印

襄陵县新志
太平县志

合刊

襄汾县志编纂委员会

太平县志目录

卷十一 四九三

人物志 圣贤 名哲 仕迹 儒行 孝友

文苑 义行 殉难附 隐逸 耆硕 流寓附

方技附 仙释附

卷十二 五三一

烈女志 节孝 节烈 贞烈 贤淑

卷十三 六三四

艺文志 分上中下 敕 疏 记 序上 考

论 辩 说 赞 传

卷十四

跋

碑墓表墓志附中箴

铭

诗

词下

书目附

杂记志

后附旧志序

古迹

八景诗附

陵墓

寺观

祥异

轶事

九三七

太平县志卷十一

人物志

圣贤

名哲

仕迹

儒行

孝友

文苑

义行殉难附隐逸

耆硕

流寓附

方技附

仙释附

昔班固（东汉明帝时为郎，续父彪所著《汉书》为世所重。）著人表之书，应邵（shao.东

汉灵帝时拜太山太守，著术甚多。）有状人之纪，尚已，然而贤关圣域，非一蹴（cu）所

可几；哲士名流，或旷世而相感。诚以严褒讥于一字，秉笔莫继夫阳秋：（即《春

秋》晋简文帝郑后小字阿春，因讳春作阳。）标题品于片言，定评难操诸月旦（后汉汝南许

邵有高名，好评论人物，每月更其品题，人称月旦评。）也。又况道学儒林之传，即昔人不

免异言；而文章事业之间，在后世尤难求备。故立德、立功、立言，三者均

为不朽；而六德、六行、六艺，一节亦可以成名。旧志人物门内，有圣贤名

哲之目。圣贤只载二人。名哲则自有周而至于今，上下数千年之久，概以是

名。规诸前志，想未惬音七，满足也。心。今自宋元以上，仍存旧名，用示妄

议前修之戒。由明迄今，仕宦德业之昭垂者，仍依类编辑焉。若夫，或潜心于理窟，或树帜于骚坛。或微言远绍程朱，或著作追踪班马。或声称藉甚，儒林共仰高风；或教思无穷，士类咸颂遗泽；或笃田姜之高谊，手足克敦；或履曾闵之芳踪，宗族无间；或义形慷慨而修废举堕之必亲；或念切解推而指困绌袍之不吝。其它硕德耆儒之犹存矩矱。（矩矱，法度。）高人逸士之迥脱尘埃。允堪矜式於里闾，尤足扶持乎名教。夫春华秋实，志士自著其生平；而懿行嘉言，人伦宜奉为楷模。岂徒多之为贵，惟善善而从长；要使信而有征，更班班而可考。作人物志。

圣贤

虞

伯益

《虞书》帝曰：「畴若予上下草木鸟兽」金曰：「益哉。」帝曰：「俞咨益汝作朕虞。」益拜稽首。让于朱虎熊罴。帝曰「俞往哉，汝谐。」今汾水之东北虞村有墓，实嬴秦赵宋之祖。

隋

王通

字仲淹，所居乡曰万春乡，在龙门沟土龕中。笃学六年，慨然有济世之志。仁寿三年，诣阙，献《太平十二策》，文帝不能用。归，教授于河汾之间。弟子自远至者甚众。仿古

续经，作《中说》，累征不已。大业末，卒于家。门人私谥曰：文中子。明嘉靖九年，从祀孔庙。有《文中子世家》，其弟子杜淹所撰也。

名哲

周

祖朝

晋献公时东郭民也。上书献公，曰：「草茅臣东郭民祖朝，愿请闻国家之计。」献公使使出告之曰：「肉食者已虑之矣，藿食者尚何与焉？」祖朝对曰：「大王独不闻古之将曰桓司马者，朝朝其君，举而晏。御呼车，驂亦呼车。御肘其驂曰：「子何越云为乎？何为籍呼车。」驂为其御曰：「当呼者呼，乃吾事也。子当御，正子之辔衔耳。子今不正辔衔，使马卒然惊，妄辄道中，行人必逢大敌。下车免剑涉血履肝者，固吾事也。子宁能辟子之辔下佐我乎？其祸亦及吾身，与有深忧，吾安得无呼车哉？」今大王曰：肉食者已虑之矣，藿食者尚何与焉。设使肉食者一旦失计于庙堂之上，若臣等之藿食者，宁得无肝胆涂地于中原之野？与其祸已及臣之身，臣与有其深忧，臣安得无与国家之计乎？」献公召而见之。三日与语，无复忧者。乃立以为师也。祀乡贤。

荀息

晋公族隰叔之后，食邑于荀。献公时为大夫。立奚齐使傅之。曰：「以是藐诸孤，辱在大夫，其若之何？」息对曰：「臣竭其股肱之力，加之以忠贞。其济，君之灵也。不济，则以死继之。」公卒。里克将弑奚齐，先告息。息曰：「吾与先君言矣，不可以死之。」春秋曰：「及其大夫荀息。」传曰：「书及所以著其节，书大夫不失其官也。」若息者可谓忠矣。祀乡贤。

赵衰

字子余。其先造父封于赵，至叔带，始入晋。祖赵夙，父共孟。献公娶于骊姬，杀太子申生而伐重耳，衰从重耳出亡一十九年，同其患难。借兵归国，多出其谋。为原大夫，辅文公霸诸侯，尊周室。公谋元师，衰曰：「郤穀可，说礼乐而敦诗书。诗书，义之府也；礼乐，德之则也；德义，利之本也。」公使郤穀将中军。以衰为卿。衰屡辞。使将上军，又辞。公曰：「赵衰三让不失义。让推贤也；义广德也；德广贤至又何患矣。」后终为卿。帅新军。卒谥成。祀乡贤。子盾事灵公为正卿。公侈，宣子骤谏。公患之，使钅魔戕之，晨往，寝门辟矣。盛服将朝，坐而假寐。魔退而叹曰：「不忘恭敬，民之主也。贼民之主不忠，弃君之命不信。有一于此，不如死也。触槐而死。」公终于杀盾。盾出奔。赵穿弑公子桃园。盾复迎成公，立而辅之。卒谥宣。初灵公元年，狄人侵鲁，鲁使告于晋，盾使贾季问狄相酆舒，且让之。酆舒问于贾季曰：「赵衰赵盾孰贤？」对曰：「赵衰冬日之日也。赵盾夏日之日也。」

李离

晋文公之理也，过听杀人，自拘当死。文公曰：「官有贵贱，罚有轻重，下吏有过，非子之罪也。」离曰：「臣居官为长，不与吏让位。受禄为多，不与下分利。今过听杀人，传其罪下吏，非所闻也。」辞不受令。文公曰：「子则自以为有罪，寡人亦有罪耶？」离曰：「理有法，失刑则刑，失死则死，公以臣能听微决疑，故使为理。今过听杀人，罪当死。」遂受令伏剑而死。

董狐

为晋史官。灵公欲杀赵盾，盾出奔。而赵穿弑公，盾未出境而复。狐书之曰：「赵盾弑其君。」盾曰：「不然。」对曰：「子为正卿，亡不越境，反不讨贼，非子而谁。」孔子闻之曰：「董狐古之良史也。书法不隐。」祀乡贤。

公孙杵臼

景公时，为赵朔客。屠岸贾杀朔，杵臼谓程婴曰：「胡不死？」婴曰：「朔妇有遗腹，

若男吾奉之，故不死也。」及生男，贾闻而索之。杵臼谓婴曰：「立孤与死节孰难？」婴曰：「死易立孤难耳。」杵臼曰：「我为其易者。」乃取他人儿匿山中，使婴谬呼曰：「与吾千金，吾告以赵氏孤处。」贾随攻杵臼。杵臼谬曰：「小人哉程婴，不能立孤儿，忍卖之乎？」贾遂杀杵臼及儿。其赵氏真孤实在婴所。祀乡贤。

程 婴

为赵朔客。抱孤匿山中，居十五年。谋之韩厥，言于景公立赵后，是为赵武。攻屠岸贾灭之。武既立，婴曰：「昔下宫之难，非不能死，欲存赵后耳。今宜报宣孟与杵臼于地下。」武涕泣请曰：「武愿苦筋骨报子，而子忍去我死乎？」曰：「不可，彼以我为能成事，故先我死。今我不报，是以我事为不成。」遂自杀。武服齐衰三年。奉祀不绝。祀乡贤。

韩 厥

其曾祖万，曲沃庄伯弟，得封于韩原，因以韩为氏。景公时为司马。晋作六军，以厥为卿。公以孟姬之故，杀赵氏而裂其田。厥言于公曰：「成季之勋，宣孟之忠，不可以无后。」于是公复立赵武，而反其田。卒谥献。祀乡贤。子长无忌代为卿者起。谥宣。

赵 武

盾孙。盾生朔。下宫之难，朔与其叔同，括、婴、齐皆为屠岸贾所杀。朔妻，成公姊。有遗腹，生武。贾索急，赖程婴、公孙杵臼匿以免。后为卿，相悼公。《左传》曰：「赵文子为政，令薄诸侯之币而重其礼。」穆叔见之，谓穆叔曰：「自今以往，兵其少弭矣。」

李 牧

为赵北边良将。常守代雁门，威行沙漠。匈奴十余年不敢近赵边。时秦之不能并赵者，以牧在也。后被谗间死，赵遂亡。子荣负父骸归葬。庐墓称孝。远孙左车为广武君，韩信师事之。

汉

周勃

从汉祖起于丰沛。以功封绛侯。吕后时，为太尉。后诛诸吕以安刘氏。文帝时为丞相，就国。遂为绛人。旧改祀名宦，今仍祀乡贤。

周亚夫

勃子。文帝时为将军。屯军细柳，帝以真将军称之。景帝时，为太尉。平七国之乱。旧从父改祀名宦，今仍祀乡贤。

隋

王度

通兄。芮城令。按说郛《古镜记》文中子兄王度，大业九年以御史出兼芮城令，用古镜灭妖蛇。其年冬，以御史带芮城令，持节河北道，开仓粮，赈给陕东。时天下大饥，百姓厉疫，赖此镜全活甚众。祀芮城名宦。

唐

王圭

通族叔。贞观中，为谏议大夫，以直谏闻。

王凝

字叔恬，通弟。为隋著作郎。贞观初，为御史。弹侯君集。为长孙无忌所恶，出为太原令。撰隋书，未成而卒。

王绩

字无功，通弟。性简傲，不喜拜揖。通知其诞纵不娶，以家事乡族庆吊冠婚不与也。隋大业中，举孝弟廉洁，授秘书省正字。不乐在朝，求为六合丞。以嗜酒不任事，解去。每于兄弟游北山东皋。著书自号「东皋子」。武德初，以前官，待诏门下省。或问：「待诏何乐？」曰：「良酝可恋耳。」陈叔达闻之，日给一斗。时称「斗酒学士」。贞观初，以疾罢。人有以酒邀者，无贵贱辄往。其饮，至五斗不乱。著《五斗先生传》。尝续兄凝所撰隋书，亦未能成。豫知终日，命薄葬。自志其墓。绩之仕已见失职，乡

人靳之，托无心子以见趣曰：「无心子居越，越王不知其大人也。拘之，仕无喜色。越国法曰：『秽行者不齿。』俄而，无心子以秽行闻，王黜之，无愠色。退而适茫茫之野。过动之邑，而见机士。机士抚髀曰：『喜子贤者，而以罪废耶？』无心子不应。机士曰：『愿见教。』曰：『子闻蜚廉氏马乎？一者朱鬣白毳，龙骧凤臆，骤驰如舞。终日不释辔，而以热死。一者重头昂尾，驼颈貉膝，踉啮善蹶，弃诸野，终年而肥。夫凤不憎山栖，龙不羞泥蟠，君子不苟洁以罹患，不避秽而养精也。』其自处如此。

尉迟敬德

名恭，以字行。从太宗征伐有功，授郾州都督，封鄂公。晚谢宾客不与通，饵云母粉为延年术。卒谥忠武。

王福峙

通次子，为雍州司功参军。传授《中说》，为十卷。少子劝，亦有文名。

王勳

通孙，第进士。长寿中，为凤阁舍人。寿春等五王出阁，有司具仪，忘载册文。群臣已在，乃寤其阙，宰相失色。勳召五吏，执笔分占。其辞粲然皆毕，人人嗟服。寻加宏文馆学士，兼知天官侍郎。兄勳，为泾州刺史，以才名著。

王勃

字子安。六岁，善文辞。九岁，得颜师古注《汉书》，读之，作指瑕以诋其失。与兄勳、劼，竟爽一时。杜易简称为「三珠树」。麟德初，对策高第，年未及冠，授朝散郎。尝道出钟陵，九月九日，都督大宴滕王阁，宿命其婿作序以夸客，因出纸笔遍请，客不敢当，至勃，慨然不辞。都监怒，起更衣，遣吏伺其文辄报，一再报，语益奇，乃矍然曰：「天才也，请遂成文，极欢罢。」喜著书，祖通起汉魏尽晋，作书百二十篇，以续古《尚书》。后亡其序，有禄无书者十篇。勃补完缺逸，定著二十五篇。与杨炯、卢照邻、骆宾王齐名，号四杰。因省父福畴于交址，度海溺水，悸而卒，年二十九。

敬 晖

字仲华。弱冠，举明经。圣历间，为卫州刺史。时诸州闻突厥入寇。方秋，争发民修城。晖谓僚属曰：「吾闻金汤非粟不守，奈何舍收获而事城郭乎。」悉罢之，使归田。百姓大悦。寻为秦州刺史。狄仁杰荐之。神龙春，为中台右丞，与张柬之等谋诛张易之、张昌宗等，以复唐祚。中宗即位，叙功进纳言，赐爵齐公，寻封平阳郡王。溢肃愍。祀乡贤。子让，为父雪冤。先是周利贞既受指杀晖等，开元初，以酷吏罢官，终身不齿。久之复起，为辰州长史。时让以魏州长史，朝集京师，与利贞皆奏事阙下。让以父冤，越次奏曰：「周利贞希奸臣意，枉杀先臣晖。惟陛下正罚，以谢天下。」左台侍御史翟璋，劾让，不待监引请行法。明皇曰：「诉父之枉不可不矜也，朝廷之仪不可不肃也。」夺俸三月，利贞竟赐死。晖别子诚，官右卫大将军，询官比部员外郎，湮官主客员外郎。曾孙元膺，官河南丞。

王 含

绩之后。长于诗文，有祖风。韩昌黎推重之，尝为书文以相往来。

王 质

字华卿，通五世孙。少孤，客寿春，力耕以养母。讲学不倦，诸生从游者甚众。年逾四十，乃举进士，中甲科，授秘书省正字，累佐帅府。五迁侍御史。由山南西道节度副使，再转谏议大夫。宋申锡之得罪与谏官，伏阁请对，延英申锡得不死。为宦官所恶，出为虢州刺史。复擢给事中，徙宣歙观察使。所至有惠爱，以清白称。卒年六十八，赠左散骑常侍，谥曰：「定。」

宋

王 曙

字晦叔，绩之后。世居河汾。中进士第，再调定国军节度判官。咸平中，举贤良方正，科策八等，迁秘书省著作佐郎，知定海县。还，为群牧判官。考集古今马政，为《群牧

王益恭

故事《六卷上之》，迁太常丞判三司，凭由理欠司。坐举进士失实，降监庐州茶税。再迁尚书工部员外郎，龙图阁待制。以右谏议大夫为河北转运使。自后迁徙不常，终召为枢密使，拜同中书门下平章事。逾月卒，赠太保中书令，谥「文康」。妻，莱公女也。生平方严重简，有大臣体，居官深自抑损。斋居蔬食，泊如也。有集四十卷，《周易音训》十二卷，《唐书备问》三卷，《庄子指归》三篇，《列子指归》一篇，《载斗奉使录》二卷，《集两汉诏议》四十卷。

王益柔

字达夫，曙子。以荫为卫尉寺丞。性淡泊，慕唐王龟之为人。遂以尚书司门员外郎致仕。与友人出游洛阳，名园水山无不至也。以子登朝。累迁司农、少卿，卒。

字胜之，曙次子。为人亢直，尚气，喜论天下事。以荫至殿中丞。庆历更用执政，异意者指为朋党，仁宗下诏戒飭，益柔上书论辨，言尤切直。范仲淹未识面，以馆阁荐之，除集贤院校理。醉作傲歌。时诸人欲遂倾正党，极力攻之，黜监复州酒。久之，为开封府推官，盐铁判官，出为两浙京东西转运使，熙宁元年，入判度支审院。诏百官转对，益柔上言：「人君之难，莫大于辨邪正，邪正之辨，莫大于置相。」其洋洋数百言，意盖指王安石也。判吏部，流内铨。旧制：选人当改京官，满十人乃引见。士多困滞。益柔请，才二人即引见。众论翕然。称之直舍人院，知制诰兼直学士院。与宰相不合，罢其兼。直迁龙图阁直学士秘书监，知蔡、杨、亳州，江宁应天府。卒年七十二。少力学，通群书。为文日数千言，尹洙见之，曰：「瞻而不流，制而不窘，语温而厉，气壮而长，未可量也。」司马光尝语人曰：「自吾为《资治通鉴》，人多欲求观读，未终一纸，已欠伸思睡。能阅之终篇者，唯王胜之耳。」其好学如此。

仕绩

明

毛俊

南贾坊人。由贡生任工部主事，改兵部。宣德时，韩王言居第隘，遗俊往平凉经度，缮王宫。并建襄陵、乐平二邸。相传为平凉府城隍之神。祀乡贤。

李诚

字全忠，号求全，正统甲子举人。陕西庆阳府通判，以清谨称。太守蓬莱张公翔遗诗曰：「居官惟守寒儒素，莅政能回太古风。」秩满，升临江同知。解组归，著有《家训》。

马鸾

字守贞，定兴里人。由进士初授行人，选南京江西道御史。差陕西清戎时，有典兵者不法，鸾劾之，升山东按察司兵备，豪宗斂手，百姓安堵。

李钺

字廷威，诚子。由举人任蓬莱县知县。查出登州卫侵占民田万余亩，粮乃得完。密缉一术僧解省，党人数千，立散。民便之，升登州府通判、兖州府同知，平曹州寇赵实，擒之。又督修黄河。从御流贼有功，擢刑部员外郎，转河南兵备金事，驻节寿州。革奸平狱，权豪缩息。民为之谣曰：「颖水鱼虾，尽被两缙挟去；荆山饿殍，只因一李苏回。」一时颖州知府及兵备皆曾姓也。以忤刘瑾党，引疾归。进阶四品，祀乡贤。

杜介

宏治辛酉举人，安化县知县。清勤，不立威仪，不喜人立声誉事，惟求可行可继。未尝以己事妄费民钱。

马聪

字舜达，鸾子。由举人知长垣县。有政绩。民立「去思碑」。后升知邓州。世宗南巡，迎驾有功，历宗人府经历。纂修玉牒，升临洮府知府。老归。

张裕

德化坊人。由贡士任山东临朐知县，民甚悦服。艰归，立碑思之。补陕西安定知县。嘉靖七八年间，大旱，设法捐赈，赖以全活者甚众。立冬日盥面，盆水结冰，有楼台、松竹、芝兰、莲萱、菊梅等色，月余乃止。士民以为清廉之应。升辽东安乐知州。过家病故。安定百姓闻之，素服建醮，肖像以祀。

王体复

字阳父，号述斋。由进士授工部都水司主事，督通惠河，复浅夫刻闸图，遂为永例。历转陕西兵备副使，开渠引泾水灌田，可亿万亩，民赖之。值边警，单骑诣敌营宣威德，有汾阳烈。擢河南按察使，执法如山，一时强宗豪宦敛迹，无敢犯。升陕西左布政使，崇俭苏民，陋规一清。寻入为顺天府尹。勋戚中有冒占河田及强求莹地者，痛抑之。即中贵欲浼一寿官札，亦不可得。擢都察院右副都御史，巡抚贵州，兼督湖北川东。戡苗乱，首发杨应龙逆谋，士官安国亨、土妇奢世统等，皆遵檄授制。时有总兵侯之胄不法，辄劾之抵罪。致仕归，开丽泽社，课诸子侄暨邑中士子。数十年登科第者，多出其门。乡居二十载，雅淡冲和。里人谣曰「王实佛」。后推户部右侍郎，未逾月卒。赠如职，谕祭葬，荫子椿官生。祀乡贤。

曹永年

隆庆庚午举人，直隶满城县知县，升陕西宁州知州。廉谨著名，考绩入都，宴天下清官于礼部，永年与焉。

郭万里

升之侄来孙，字海鹏，明万历庚辰进士。工部观政，授山东莱州府推官。明允有声，行取江西道监察御史，巡按陕甘等处，地方有郭青天之谣。风裁特著。疏论某大臣，出为山东沂州道，调陕西秦州道，升洮岷道兵备副使，升凉州道兵备参政。寻乞终养，戏采慈帏。居丧泣血，儿不胜丧。后起陕西布政司参政，未就。其居乡也，赈饥济贫，输饷

粟，焚契券，舍地立义冢。于贫窶不能举丧者，更为赙赠①以殓之。又置义田五顷，邨无告厚髻。士男女怨旷者，补助俾完室家。每出，策蹇以行，卒遇之不识为官贵。乡人慕之。其略见杨邑侯、王中丞、杨少卿、张参政四先生孝养义行碑铭。祀忠义孝弟。

杨天民

字觉斯，由进士授朝城知县。廉惠宜民。调繁诸城邑，濒海亡命贾贩之徒，刁剽为奸。设钩距②法，所在芟散。更备金广储，以豫不虞。岁大祲，出所储以赈，全活万计，士民赞述尸祝，与富青州埒。召选礼科给事中，首疏复建文年号，论顺天乡闹之贿进者，权要意折。补吏科，奏矿税病民，海内直之。升礼科右，万历末，争正国本，疏凡十三上，滴永从县典史。飘摇疔瘴间，犹以不蚤建元良为念。寻卒。熹宗即位，追前勋赠光禄寺少卿，谥祭，祀乡贤。

张光宇

字叔孚，号怀谷，由举人任汉中同知，职清军水利，凡六载，伍充田沃课上绩，一督尚衣，雨摄郡篆，再署州县，所至政简刑清，民安盗息。升广南知府。会武定兵变，悉平之。调广西府。东有潯源，积水，向以山隔无水利，为设法凿通，岁溉数千顷，成膏腴，民利之，称张公坝。又设学田，勤课士，正风俗，严保甲，招携服远，为滇牧最。升山东运使，上正体统疏，肃盐政，上下称便。罢归里，设馆开来，学讲贯经史，宴会屏倡优，治丧不尚浮屠。敦崇礼教，正化淑俗，自任以道德经济。卒日，远近少长咸涕泗。迄今犹思慕勿谗，书香奕叶，人以为美报云。

张云翼

字伯翔，号怀宇，由进士授行人司行人。（明朝的外交官。）转南户部分司粤黔。升郎中，度支惟明。出知陕西巩昌府，进诸僚属，勉以安静，为生民福。凡五载，杜苞苴③，明折狱，革赎醵。政余，集诸生课，陇右人文蔚兴。巩民肖像以祀。转长芦运使，